



ATASSUT

UPA 2016/127

Steen Lynge

09. 05. 2016.

Inuit amerliartuinnartut Nunarput qimassallugu aalajangertarnerannut suut tunngavilersuutaasinnaaneranik innuttaasullu ikiliartuinnarnerat mumisinnissaanut suut iliuuserineqarsinnaanerannik Naalakkersuisut UKA2017-mut saqqummiunneqartussamik sukumiisumik nalunaarusiornissaannik Inatsisartunut aalajangiiffissatut siunnersuut.

(Inatsisartunut ilaasortaq Sara Olsvig, Inuit Ataqtigiit)

Atassut-mit siunnersuuteqartoq Sara Olsvis, Inuit Ataqtigiit siunnersuutaanut pingaaruteqartumut qujaffigissavarput.

Siunnersuuteqartup kissaatigaa, nunatsinni innutaasut akornanni Danmark-imut aammalu nunanut allanut nuuttarnerat annertusigaluttuinnartoq sooq pisarneraq misissorneqarnissaa aammalu suut suliniutit aqququtagalugit nunatta avataanut nuuttarneq kilormut saatinniarlugu iliuusissatut inassutinik misissuinerup imaqarnissaa.

Atassut-mit misissuisitsinissamik aammalu misissuisitsinerup iliuusissatut inassutinik imaqtartinneqarnissaanik siunnersuuteqartup anguniagaqarnera tapersernartipparput.

Naalakkersuisut siunnersuummut tunngaviusumik isumaqataapput. Naalakkersuisut ilisimatitsipput aallaqqaataasumik paasissutissanik - kingusinersusukkullu misissuinissamat tunngaviliisussamik suliamik aallartisaasimallutik. Taamaamallu Naalakkersuisut allannguutissamik siunnersuuteqarput.

Allannguutissatut siunnersuuteqarnermi Naalakkersuisut misissuisitsineq - sooq nunatsinnit nunatta avataanut nuuttarneq pisarneraq pillugu - 2017-imi saqqummiunniarpat.

Allannguutissatut siunnersuummi nunatsinnit nunanut allanut nuuttarneq killormut saatinniarlugu suliniuutaasinnaasunik inassuteqarnissamik imaqanngilaq.

Atassut-mit isumaqarpugut, siunnersuut Sara Olsvia, Inuiat Ataqtigiinniit saqqummiunneqartoq taamak isikkoqartillugu tapersernartoq, tassani siunnersuummi misissuisitsinissaq iluussanik siunnersuuteqartoqarnissaanik piunasaqarneq pingaartutut isigigatsiguk.

Taamaammat Atassut-mit Sara Olsvig, Inuit ataqtigiinnit siunnersuutaa tapersersorlugu ataatsimiitsitaliamit nalilersortikkumavarput.

Qujanaq.